

巽
卷

藕
航
居
士
題

真
詩
嗣
音
集

卷

十一

二

三

詩
捌
本

滇詩嗣音集卷十一

呈貢戴淳古村定

昆明黃琮象坤輯

王

崧

原名藩字伯高號樂山浪穹人嘉慶己未進士官武鄉縣知縣有樂山吟江海集備徵志

于役還宿故城鎮

仕以官爲家。遠役如遠客。役罷還所官。如客返其宅。茲
鎮經過頻。風雨數晨夕。夏去秋來歸。川原未改易。短榻
禪堂偏。棲息素所適。燈火羅道周。炳照馬蹄跡。父老競
趨拜。慰我樹勞績。青青子矜徒。捧手問所歷。我行雖云
遙。輸將責已釋。獨是十萬金。遞運更遐邈。戍卒長城西。
待之貿粟帛。既去不復迴。正似虛牝擲。府藏日匱空。荒
徼日富益。餉遺無已時。公私共窘迫。誰採充國謨。力上

屯田策。軍飽民亦安。內財免外析。長途相識稀。懷抱久
鬱積。得見部隸民。曾何異親戚。往復問答間。童孺伺門
隙。且窺且相語。容顏尙如昔。憶昨初來時。溫風聽鳴鷄。
及今屆瓜期。於中間行役。編氓視子弟。所愧父兄澤。旅
退更亦闌。舊月耀新白。

還山自嘲

出山爾何意。還山爾何爲。可是山中學。用於出山時。縣
令治百呈。教養皆所司。試問十年內。果否一一施。志不
在利達。退閑固其宜。往日書滿載。來仍書自隨。點蒼山
之北。鷓鴣有棲枝。故巢未遽毀。當復誅茅茨。夙昔魏闕
心。勿因江海移。蹉跎歲月晚。容顏日夜衰。雖具葵藿性。

奈匪松柏姿。山靈儻見詰。能無慙惡滋。

陶唐古井行

平陽昔是伊祁都。相傳城北爲康衢。不聞擊壤聲歌呼。
第見羸瘠纍纍臨溝渠。道旁有亭下有井。碑碣陶唐氏
號炳。水深百尺輓轡廢。我欲汲之乏修綆。或言井水苦
鹹不堪酌。當由地脈已改泉不冷。嗟嗟地脈安足論。惟
看人事殊簡繁。古之民力所用止耕鑿。出入作息隨朝
昏。自從政治尙遠略。四海中外通籬樊。征戍斂發禁壅
滯。轉輸供頓驅黎元。閭閻日日盡夫出。豈有餘力營飽
溫。卽如此郡本屬帝堯里。含哺鼓腹古所美。何意康衢
卽在大道側。車馬馳驟鮮寧晷。上自節帥下簿尉。僕隸

江言聞言集 卷十一
廝卒接踵趾。一人動役千百夫。鞭撻誅求任指使。臨馭
非無矜憫懷。速求集事詎得已。伊余行役汾水濱。夏扈
正趣耕鋤辰。農忙趨事奔走頻。揮汗如雨凝爲塵。吁嗟
乎飲食同茲平陽民。古何暇逸今何紛。不見堯民見堯
水。徘徊井畔空斜曛。

喇嘛僧

喇嘛僧出京都。黃衣黃冠黃幄輿。一軀高坐百夫舁。貴
戚翊衛武卒趨。遙遙直向秦川徂。時當五月農隙無。共
輟田功治道塗。治道塗平如砥。番僧來時側目視。若輩
巖棲谷處陟嶺越巘。手足胼胝。今何如此。行人語役夫。
勿嗔且當喜。彼仗佛法。將使汝不耕而穫。室盈止。彼法

誠廣寬。卽今一僧過。便教千里泥。淨化平安。一切無爲法。應作如是觀。

倒栽槐歌

靈茲不願植平地。飛上青天擇位次。偶值天門扇未開。暫託塵埃逞奇肆。榦擢金莖刪繁苛。根張華蓋織蒼翠。不惜埋頭泥土中。作勢凌霄待風利。待風利。將騫騰。訖傳種樹由高僧。彼僧豈有顛倒造化手。能使上下本末乖其恆。我聞古槐根下蟻成國。怪變生人被幻惑。又聞自地以上皆爲天。虛空如水魚如仙。槐兮槐兮植根在天際。蚍蜉欲撼罔爲計。屈蟠盛大無地容。結體敷榮仗天勢。

讀查氏一門九烈傳

寇氛入城。神鬼悲。死賢於生。生奚爲。不肯降賊。眞鬚眉。
巾幗。何遽甘遜之。我讀查氏一門九烈傳。如見貞魂毅。
魄。捐軀時。查氏娶周位。豕婦。未亡人樹中閭儀。弟妻張。
氏。妾廉氏。奉事孀嫂。聽指揮。大姑嫁黃。亦早寡。攜其弱。
女來相依。周張女三黃女一。廉復有母傷孤。羈婦女九。
人守門戶。有孚威。如同歡。嘻。那知禍變起倉卒。男兒奔。
竄。靡孑遺。周嫠痛哭。謂婦女。我已誓死。無游移。身名榮。
辱在頃刻。汝等決計休遲疑。張娣唯唯。四女侍。解脫結。
纓。含淚持。黃姑廉嫗及廉簪。矢願赴義。寧敢違。周如元。
帥執大纛。眾則健卒齊追隨。繫繩堂上似列幟。九命竝。

傾尸纍纍。賊至審視果非詐。相顧駭愕。紛掠貲。家人曰。
暮始歸殮。二尸復活。咸稱奇。縊者九人。活者二。十二歲
女偕廉姨。吁嗟乎。覩顏從賊者。伊誰榮辱所爭止頃刻。
其言可作千古規。君不見榆堡莊前七烈祠。

過郭有道祠未得展謁

壁水崇儒效。桓靈得仰成。運移風自正。朝濁野偏清。黨
士徒蒙難。玉人無愧名。仙舟猶未上。傳吏已催征。

新正詣州途中作

山郭風初暖。晴郊雪漸開。計年驚老至。撫景愛春回。村
擊迎神鼓。人攜獻歲醅。兒童遮道拜。共說縣官來。

并門治裝歸里

半生常作客。此日忽言歸。家具惟書卷。年光似夕暉。手攀春岸柳。心戀故山薇。待到舊城郭。應同丁令威。

晚泊玉屏

維舟巖邑畔。傍樹避炎氛。笠已霑黔雨。衣猶帶楚雲。西南初闢戶。由黔入滇。路始此縣。師友感離羣。檀默齋先生張介侯同年曾官此。對波光靜。哦詩到夜分。

青家驛次張二如題壁韻

三千里路盡通津。郡邑連延記不真。到處雖無相識侶。題詩半是過來人。題壁多轉餉。蘭州之作。每經幽谷渾忘夏。纔見垂楊便覺春。聞道前途渠水惡。前有七十二道。腳不乾之說。裏客愁新。青家驛

都門雜興

空帶南中五色雲。三山縹緲隔塵氛。荀卿非相徒饒舌。
李廣違時自後軍。抗疏何爲傳鵬賦。彈冠枉用覩龍文。
劇憐釋褐還披褐。廊廟江湖兩失羣。

青箱世業寄遺編。手澤猶存愧象賢。掌貯明珠心獨苦。
門容駟馬志常懸。風塵擾擾馳輪轂。松柏蕭蕭繞墓田。
十載飄零虛薦饗。白雲回首淚潸然。

萱草端宜樹北堂。小人有母不遑將。春暉愁見莪蒿改。
棣萼艱供菽水嘗。陟屺青年驚似矢。倚閭白髮想如霜。
敝衣仍是來時物。忍看鍼痕淚點藏。

凜烈霜風妒鵲鳩。生離死別各零丁。書倉少粟三人瘦。

蒿里無家一樵停。

少弟琮旅卒龍陵未得返葬。

追憶芳園華韡韡。何

堪旅夜燭熒熒。關河阻絕池塘夢。古雁哀鳴不可聽。

雙棲海燕忽分飛。山上薜蘿採欲稀。春苑看花傳錦帖。

寒宵織素理殘機。藁砧慣作匏瓜繫。管蒯慙無翟第輝。

早識升沈第如是。何妨相對泣牛衣。

百年應作刹那觀。多病拌難萬感攢。事足輸人能有子。

身輕幸我尙無官。行蹤到處皆雞肋。家信經時斷雁翰。

所可周旋惟夜月。清輝欲玩怯衣單。

自笑

自笑怱怱賦遂初。因循到老尙拘墟。延年不用還丹術。

娛目惟憑插架書。夢繞關山疲馬度。醒看蓬華紙窗虛。

門前縱有高軒過。寂寞揚雄只自如。

響水關

有水名蘭谷。蘭枯谷在名。惟餘橋下水。晝夜不停聲。

夢朱雪君同年

都門一別歲頻更。衰健升沈寤寐縈。覺後中宵窗外雨。瀟瀟猶是對牀聲。

劉

陶

楚雄人嘉慶己未進士禮部主事改碾伯縣知縣

夜

孤燈對影共徘徊。無那心情似涇灰。坐到四更殘月落。眠投一枕故人來。高談舊事言猶在。細述新愁醒費猜。更欲垂眉尋好夢。鄰雞曉角苦相催。

楊桂森

號蓉初石屏人嘉慶己未進士改庶吉士官至開州知州

拾柳婦

拾柳葉。將葵羹。葵味甘。妾心苦。持櫬帚。攜筠筥。莫挖根。傷傍士。莫折枝。牽別縷。拾柳葉。妾心苦。

述古

潛魚漾春渚。高鳥集廣林。秦苛而漢寬。興亡理可尋。法密盜多有。念刻禍亦深。雲雨霽初陽。冰霜成窮陰。安得久元會。長歌南風琴。

柬許心北同年

烏鵲噪棠樹。王貢慶彈冠。嗟我十一子。風塵苦泥蟠。雨露無私澤。榮枯分所安。昔聚京華日。竹立玉琅玕。共謂

志稷契立功。媿范韓。而何鷹隼散。各念鵲鳩單。君飲蕪
湖水。我棲爐峰巒。我運亢輶軻。松楸悲心酸。衣奔又食
走。橐筆足永歎。寂寂子雲宅。不知天地寬。丈夫飽經濟。
甯爲古人難。桃花春仍落。松節冬不寒。所以屈伸蟻。古
人稱達觀。昨日拜端綺。得自九霄翰。上言長相思。相思
兩情殫。我占易兌澤。君歌詩伐檀。我歌母尸饗。君歌南
陔蘭。何以報君親。無忘此衷丹。

題王繼之幽篁鳴琴圖

冷絃動修竹。一庭綠意深。此時意想間。俱忘竹與琴。旣
忘竹與琴。豈復問知音。別情識興古。披圖豁曾襟。

南甯義婦楊把氏詩

南城古靖州。西峰矗千尋。把女生其間。義氣逼孤岑。自
從筭字來。綵絲繫臂深。夫疾欲悔誓。妾聞痛椎心。澤鵠
不忘水。山鵲不曠林。願爲盟鷗信。學此鈴鸞音。烏羊旣
成禮。綠蟻相對斟。揮泣覓竹筍。引淚拂柴簪。漆身日以
固。癰頂日以沈。淒淒寡鵠鳥。寂寂單鳬禽。雪骨凍寒梅。
霜闥茹苦苓。貞蹟播桑梓。鴻篇麗瑤琳。賢侯重表式。風
聲樹自今。

懷張柏軒同年

梅雨滴淅淅。綠草盈庭階。得閒此靜坐。物慮杳不來。我
身無羈束。我心無嫌猜。澄澄望曲水。何時對舉杯。

題張鷟階雲癡詩鈔

扣舷櫂歌發。楚山靜微碧。灘淺漾淪波。楓寒漏林隙。鄉
關度雲遙。客思壓霜積。行舟兀坐紆。入戶日光窄。展篋
披縑素。清吟聲金石。奇氛自輪囷。明月無行跡。有時寄
鬱騷。藹然樂縱適。始知史蘊精。全資選體益。旣重還顧
速。敢將獻帚惜。悵望波羅江。冷映西嶺白。

伏城驛中秋

一樣團圓月。分來兩地看。老親增想望。客子祝平安。幾
歲青衫溼。長宵白露寒。何時歸去好。堂上勸加餐。

懷谷西阿前輩

鶴骨清標峻。烏臺秋氣森。太平資白筆。直語盡丹箴。伸
屈偶然事。治安千古心。甘藷諸故舊。鹽筴感偏深。

李

洋

號南樓麗江人嘉慶庚申恩科舉人官訓導

寄弟溶川

關下分襟後。三年隔玉河。自傷兄弟少。況復別離多。未了平生志。其如遲暮何。鄉園一回首。空負脊令歌。

倪

琇

號竹泉昆明人嘉慶辛酉進士改庶吉士官至興泉永道恩科

上蔣勵堂相國

廿年企望始瞻韓。元老風裁禮數寬。國計獨參樞密重。封圻疊掌士民歡。誰知黃閣三公貴。仍似青燈一士寒。當代名臣容細數。後先輝映兩文端。謂西林望山二公

趙

棠

字惠南號漢村南甯人嘉慶辛酉恩科進士

山村